

CINNEADH CUR CHUN FEIDHME (AE) 2021/1321 ÓN gCOIMISIÚN**an 6 Lúnasa 2021****lena leasaítear an Iarscríbhinn a ghabhann le Cinneadh 2007/453/CE a mhéid a bhaineann le stádas ESB Ceanada agus na hÉireann***(Tugadh fógra dó faoi dhoiciméid C(2021) 5789)***(Téacs atá ábhartha maidir le LEE)**

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 999/2001 ó Pharlaimint na hEorpa agus ón gComhairle an 22 Bealtaine 2001 lena leagtar síos rialacha maidir le heinceifileapaití spúinseacha in-tarchurtha áirithe a chosc, a smachtú agus a dhíothú ⁽¹⁾, agus go háirithe Airteagal 5(2), an tríú fomhír, de,

De bharr an mhéid seo a leanas:

- (1) I Rialachán (CE) Uimh. 999/2001 déantar foráil go bhfuil na Ballstáit nó tríú tíortha nó réigiúin díobh (tíortha nó réigiúin) le haicmiú de réir a stádais einceifileapaité spúinsí bólachta (ESB) i gceann de thrí chatagóir: riosca diomaibhseach ESB, riosca smachtaithe ESB agus riosca neamhchinnte ESB.
- (2) In Airteagal 5(2), an tríú fomhír de Rialachán (CE) Uimh. 999/2001 déantar foráil go bhféadfar athmhéasúnú a dhéanamh ar an aicmiú ESB ar leibhéal an Aontais más rud é gur chuir an Eagraíocht Dhomhanda um Shláinte Ainmhithe (OIE) tír iarrthach i gceann de na trí chatagóir ESB.
- (3) I gCinneadh 2007/453/CE ón gCoimisiún ⁽²⁾, liostaítear stádas ESB na dtíortha nó na réigiúin de réir a riosca ESB féin i gCodanna A, B nó C den Iarscríbhinn a ghabhann leis an ngníomh sin. Meastar gur riosca diomaibhseach ESB atá ag baint leis na tíortha nó na réigiúin a liostaítear i gCuid A den Iarscríbhinn sin, meastar gur riosca smachtaithe ESB atá ag baint leis na cinn a liostaítear i gCuid B, agus déantar foráil i gCuid C den Iarscríbhinn sin go meastar gur riosca neamhchinnitithe ESB atá ag baint leis na tíortha nó na réigiúin nach liostaítear i gCodanna A nó B.
- (4) Faoi láthair is faoi Chuid B den Iarscríbhinn a ghabhann le Cinneadh 2007/453/CE a thagann Ceanada agus Éire, is é sin is tíortha iad a bhfuil riosca smachtaithe ESB ag baint leo.
- (5) An 27 Bealtaine 2021, ghlac Comhthionól Domhanda Thoscaireachtaí OIE Rún Uimh. 17, dar teideal "*Recognition of the Bovine Spongiform Encephalopathy Risk Status of Members*" ⁽³⁾, i bhfianaise a theacht i bhfeidhm an 29 Bealtaine 2021. Sa Rún sin, is éard a glacadh leis gur riosca diomaibhseach ESB atá i gCeanada agus in Éirinn, i gcomhréir le Cód um Shláinte na nAinmhithe Talún OIE. Tar éis athmhéasúnú an scéil ar leibhéal an Aontais, agus i ngeall ar Rún Uimh. 17 ó OIE, mheas an Coimisiún gur cheart stádas ESB OIE nua sa dá thír a léiriú san Iarscríbhinn a ghabhann le Cinneadh 2007/453/CE.
- (6) Dá bhrí sin, ba cheart liosta na dtíortha nó na réigiúin san Iarscríbhinn a ghabhann le Cinneadh 2007/453/CE a leasú ionas gur i gCuid A den Iarscríbhinn sin a liostófar Ceanada agus Éire, is é sin faoi thíortha nó réigiúin a bhfuil riosca diomaibhseach ESB ag baint leo.
- (7) Dá bhrí sin, ba cheart an Iarscríbhinn a ghabhann le Cinneadh 2007/453/CE a leasú dá réir.
- (8) Tá na bearta dá bhforáiltear sa Chinneadh seo i gcomhréir le tuairim an Bhuanchóiste um Plandaí, Ainmhithe, Bia agus Beatha,

⁽¹⁾ IO L 147, 31.5.2001, lch. 1.⁽²⁾ Cinneadh 2007/453/CE ón gCoimisiún an 29 Meitheamh 2007 lena mbunaítear stádas ESB na mBallstát agus tríú tíortha nó réigiúin díobh de réir an riosca ESB a bhaineann leo (IO L 172, 30.6.2007, lch. 84)⁽³⁾ <https://www.oie.int/app/uploads/2021/05/a-r17-2021-bse.pdf>

TAR ÉIS AN CINNEADH SEO A GHLACADH:

Airteagal 1

Cuirtear an téacs a leagtar amach san Iarscríbhinn a ghabhann leis an gCinneadh seo in ionad na hlarscríbhinne a ghabhann le Cinneadh 2007/453/CE.

Airteagal 2

Is chuig na Ballstáit a dhírítear an Cinneadh seo.

Arna dhéanamh sa Bhruiséil, 6 Lúnasa 2021.

Thar ceann an Choimisiúin
Stella KYRIAKIDES
Comhalta den Choimisiún

IARSCRÍBHINN

Cuirtear an méid seo a leanas in ionad na hlarscríbhinne a ghabhann le Cinneadh 2007/453/CE:

"IARSCRÍBHINN

LIOSTA DE THÍORTHA NÓ DE RÉIGIÚIN

A. Tíortha nó réigiúin lena mbaineann riosca diomaibhseach ESB*Na Ballstáit*

- An Bheilg
- An Bhulgáir
- An tSeicia
- An Danmhairg
- An Ghearmáin
- An Eastóin
- Éire
- An Spáinn
- An Chróit
- An Iodáil
- An Chipir
- An Laitvia
- An Liotuáin
- Lucsamburg
- An Ungáir
- Málta
- An Ísiltír
- An Ostair
- An Pholainn
- An Phortaingéil
- An Rómáin
- An tSlóivéin
- An tSlóvaic
- An Fhionlainn
- An tSualainn

Réigiúin na mBallstát ()*

- Tuaisceart Éireann

Tíortha Chomhlachas Saorthrádála na hEorpa

- An Íoslainn
- Lichtinstéin
- An Iorua
- An Eilvéis

Tríú tíortha

- An Airgintín

- An Astráil
- An Bhrasaíl
- Ceanada
- An tSile
- An Cholóim
- Cósta Ríce
- An India
- Iosrael
- An tSeapáin
- Geirsí
- An Namaib
- An Nua-Shéalainn
- Panama
- Paragua
- Peiriú
- An tSeirbia (**)
- Singeapór
- Na Stáit Aontaithe
- Uragua

B. Tíortha nó réigiúin lena mbaineann riosca smachtaithe ESB

Na Ballstáit

- An Ghréig
- An Fhrainc

Tríú tíortha

- Meicsiceo
- Nicearagua
- An Chóiré Theas
- An Téaváin
- An Ríocht Aontaithe cé is moite de Thuaisceart Éireann

C. Tíortha nó réigiúin lena mbaineann riosca neamhchinnte ESB

- Tíortha nó réigiúin nach liostaítear i gCodanna A nó B..

(*) I gcomhréir leis an gComhaontú maidir le Ríocht Aontaithe na Breataine Móire agus Thuaisceart Éireann a bheith ag tarraingt siar as an Aontas Eorpach agus as an gComhphobal Eorpach do Fhuinneamh Adamhach, agus go háirithe Airteagal 5(4) den Phrótacal maidir le hÉirinn/Tuaisceart Éireann i gcomhréir le hIarscríbhinn 2 a ghabhann leis an bPrótacal sin, chun críocha na hIarscríbhinne seo, cuimsíonn tagairtí do na Ballstáit an Ríocht Aontaithe i leith Thuaisceart Éireann.

(**) Faoi mar a thagraítear dóibh in Airteagal 135 den Chomhaontú Cobhsaíochta agus Comhlachais idir na Comhphobail Eorpacha agus a mBallstáit de pháirt, agus Poblacht na Seirbia, den pháirt eile (IO L 278, 18.10.2013, lch. 16)."